



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annalium Paderbornensium Pars ...

Complectens Inprimis Fusiozem Episcoporum Paderbornensium, Deinde Succinctiorem Historiam Reliquorum Per Westfaliam Antistitum, Tum Res Gestas Aliorum In Eadem Hac Regione Clarorum Virorum, Postremo Pontificum, Imperatorum, Principum &c. Gesta, maxime ea, quae Westfaliam contingunt

Ab anno Christi 1500. usq[ue] ad annum 1618. inclusivè

Schaten, Nicolas

Nevhvsii, 1741

Dedicatio

urn:nbn:de:hbz:466:1-7785

DEDICATIO

Reverendisimis, Excellentissimis,
Illustrissimis, Perillustribus, Præ-
nobilibus, Consultissimis,
Doctissimisq; &c.

D.D. STATIBUS PATRIÆ.

REVERENDISSIMI, EXCELLENTISSIMI &c.



Nnum jam secundum numeramus, & quadragesimum, ex quo ANNALIUM PADERBORNENSIIUM pars secunda superiore seculo, Schatenio Authore, in lucem edita, non parum luminis antiquissimorum temporum historiæ attulit. Operi posthumo parta existimatio ingens & autoritas, postquam intellectum fuit, Schatenium in eo conscribendo magnopere adjutum fuisse ab ipso laudatissimo Principe, & Episcopo FERDINANDO FÜRSTENBERGICO. Is enim, cum Romæ per novennium versaretur; ceterorum, qui ante ipsum hanc Paderbornæ, Carolinam sacrorum Antistitum sedem, tenebant, res præclare gestas è vetustis Vaticanæ Bibliothecæ monumentis singulari studio collegerat: reversus in patriam, quæ tumultuariè ab ipso Romæ excerpta erant, in annos, & ordinem digessit, postque adeptam Paderbornensis Dioecesis infulam scriptori ANNALIUM tradidit. Idem ille FERDINANDUS, immortalis memoriæ Episcopus, ultimis tabulis hæredes suos ad opus illud Schate-

D E D I C A T I O

nii, typo vulgandum obligavit, certâ pecuniâ summâ eam in rem assignatâ. A decessu autem hujus FERDINANDI Episcopi, cùm tempora calamitosa essent; patriæ ærarium, urbes, & oppida plurimum annorum bellis, ac infortuniis exhausta; nemo fuit, qui de proseguendo opere susciperet curam; aut sumptuosum, ejus continuationi annexum onus, Dioecesi impositum vellet. Tantò nunc major laus Vestra, Reverendissimi, & Illustrissimi, ceterique Primates Patriæ; tantò inquam illustrior gloria, quòd æquè miseris, certè difficillimis temporibus, cùm pecunia, milites, arma, in bellum ad Rhenum, ad Mosellam, ad Danubium subministranda erant; cùm annonæ caritas, penuria rerum, Dioecesi premerent; nihil desiderari unquam passi sitis, ut coepta à Schatenio Historiæ tela pertexeretur. Quo laudabili consilio, cùm se obstrictam Vobis literaria omnis Respublica fatebitur; tum maximè feri nepotes Vestri, Vobis Majoribus suis, se æternùm devinctos agnoscent, ubi aliquando rerum per Dioecesi tot retro seculis gestarum, & præteriti temporis memoriam, curis & impensis Vestris conservatam intuebuntur.

Utcunque splendida sint & egregia, quæ alibi in regionibus geruntur; quæ tamen domi in natali solo peracta legimus; tametsi non adeò magna sint & illustria, plurimum tamen, & nescio quid occultæ dulcedinis habent; majoréque popularium animos non solum voluptate capiunt; sed & eorum in legendo assiduitatem acuant, necesse est. Quàm turpe enim, & præposterum foret? scire ortus, & occasus Regionum, Provinciarum, Regnorum, quæ trans Indum, & Gangen, trans maria altero in orbe sita sunt: scire jura eorum; quæ gesserint bella; quid cladis, aut quas victorias abstulerint: Interim velut ignotum hospitem oberrare in patria; rudem esse ac pere-

D E D I C A T I O

peregrinum in rebus domesticis : quæ illis inflicta olim ab inimicis vulnera, quomodo perlanata sint ; quo jure urbes, oppida, arces, gaudeant ; prorsus nescire. Sanè quanta in Dioecesi damna, earum rerum ignoratio ducentis & quindecim ab hinc annis invexerit, hæc ætas etiamnum sentit in jactura Comitatus Pyrmontani. Eum ERICUS Episcopus anno MDXXII. à Simone Comite Lippiaco Ecclesiæ Paderbornensi recuperaverat, perpetuis temporibus possidendum. At per brevis possessio, turbata statim triennio post, & everla à Friderico Comite de Spiegelberg.

Pyrmontanum, inquit ille, Comitatum Patri suo obvenisse, tanquam dotem ab uxore, quæ filia Pyrmontani Comitis fuisset, allatam. Inepta postulatio, nullòq; fundamento nixa ! nemo unus tamen erat, qui sciret, aut veteres ex archivo afferret tabulas, quarum testimonio probari liquidò poterat, Comitatum clientelare beneficium esse ; sive feudum ad solos restrictum hæredes masculos, nulli extra hos alienationi obnoxium. Relictis igitur in archivi caligine tam luculentis probationibus, ultro confugitur ad transactionem, ad arbitros Gerhardum & Albertum Comites Mansfeldianos ; & eos quidem jurium Patriæ omnino ignaros. Quæ tum sententia lata, & quàm damnosa Diocesi fuerit, prolixius narratum est ad annum MDXXV. Hæc autem, atque id genus plura publicis jam mandata literis cum posterius legent, an non seculi illius socordiae indignati, exardescant magis, ad jura Dioeceseos, si quando officii ratio exiget, sollicitius tuenda. Quocirca pergite Reverendissimi, & Illustrissimi &c. &c. ceterique Proceres Patriæ, pergite cum meliora redibunt tempora, tam utiles sumptus facere, paucorumque, qui restant, Episcoporum famam, & gloriam nominis, ex situ & tenebris producere in lucem :

D E D I C A T I O

cem: simul varios fortunæ casus, vicissitudines rerum, Patriæ commoda & detrimenta, Administrorum, Regentium, virtutes & errata posteritati ob oculos ponere: sat ingens operæ pretium erit, simul posteros, quam devitent, aut sequantur viam, docuisse. Nolim ego contra malevolos obtrectatorum calamos, & linguas huic literario operi præsidium aliud quærere, nisi ipsammet Vestram Omnium Patriæ Ordinum tutelam; utpote quorum liberali sumptu, & auspiciis prodiit, eorundem quoque insignitum Nominibus abunde virium & authoritatis habebit, ut tutò in virorum doctissimorum conspectum offerre se valeat. Vivite Integri, Valentésque in sera secula; vivite Deo, Religioni, Patriæ; & mementote semper, Vos publicæ incolumitati, Dioeceseos emolumentis, natos esse. Ità ex animo & profunda cum veneratione precatur, qui operi huic posthumo quindecim annos ultimos adjecit, illudque sic completum typo paravit

Reverendisimarum,
Excellentissimarum &c. &c.

Dignitatum Dignitatum &c. &c.

Servus Devotissimus

CASPARUS MÜLLERS

Societatis Jesu Sacerdos.